

თავისუფალი საქართველო

ეროვნული
ბიულეტენი

გრაველი მაგიდის
სახოგადოებრივ-პოლიტიკური გაზეთი

23 VIII 1991 ფასი 50 კაპ. № 31 (36)

რედაქტორის სვეტი

21 აპრილის გაზეთ „ცხოვრებაში“ დაიბეჭდა ცნობა საქართველოს კომპარტიის ცენტრალური კომიტეტის ბიუროს სხდომის შესახებ, სადაც უარყოფითად არის შეფასებული ბოლო ერთი წლის მანძილზე საქართველოში მიმდინარე პროცესები. შემდეგ გაცხადებულია: „საქართველოს კომპარტიის ცენტრალური კომიტეტის ბიუროს დროულად, მიზანშეწონილად მიაჩნია სსრკ მთელ რიგ რეგიონებში საგანგებო მდგომარეობის შემოღება და საგანგებო კომიტეტის მიერ დასახული ღონისძიებების განხორციელება, რაც ქვეყანაში ეკონომიკური, პოლიტიკური და სოციალური ვითარების მოწესრიგებისა და კანონიერების განმტკიცებას ითვალისწინებს“ (სტილი დაცულია).

ქართველი კომუნისტებისათვის სავსებით ბუნებრივ მოღალატურ პოზიციას, რომელიც არაბუნებრივად ვულწრფელად (ან უბრალოდ უპკუროდ და წინდაუხედავად) იქნა გამოთქმული გაზეთ „ცხოვრების“ ფურცლებზე, 22 აპრილის „საქართველოს რესპუბლიკაში“ ქართველმა კომუნისტებმავე დააწიეს საქართველოს კომპარტიის ცენტრალური კომიტეტის განცხადება, სადაც ვკითხულობთ: „...მაგრამ აღნიშნული ინფორმაცია არასწორად ასახავს ბიუროს დამოკიდებულებას მომხდარი ფაქტისა და საგანგებო კომიტეტისადმი, სრულიად არ შეესაბამება ბიუროს მიერ მიღებული დადგენილების შინაარსს...“ რასაკვირველია, არც ეს წრესგადასული უტიფრობა და გულისამრევი ლაჩრობაა გასაკვირი.

ახლა სხვა ვთქვათ. ამ 70 წელმა ხომ ნათლად დაადასტურა, რომ კომუნისტების ყოველი დღე და წუთი ზოგადად დანაშაულებრივია, მაგრამ როგორც ირკვევა, არსებობს სპეციფიკური, საკუთრივ კომუნისტური ბოროტმოქმედება — მტერს მუდამ ისინი უნდა მოუძლოდნენ წინ ქვეყანაში, რომელიც მათ სამშობლოდ ითვლება. 21 წელი, 56 წელი, 89 წლის 9 აპრილი... დღევანდელი დღე. ნუთუ აღარ დადგა იმის ხმაშლია განცხადების დრო, რომ ერის დალატა არის არა კომპარტიის ცალკეულ წევრთა დანაშაულებრივი ქმედება, არამედ კომუნისტების თვისება.

კომპარტია არის ნაღმი, რომელიც ხელსაყრელ მომენტს ეძებს, რათა საქართველო ადგავოს პირისპირა მიწისა.

ამ სავალალო ჭეშმარიტებაზე თვალის დახუჭვა ან წაყრუება აღარ შეიძლება. გავისხნოთ, როგორ შემოუბრუნდა დამოუკიდებელ საქართველოს მისი ეროვნული მთავრობის მიერ გამოჩენილი „პუმანურობა“, როდესაც მათ ქვეყნიდან გაქცევის საშუალება მისცეს ფილიპე მახარაძეს და სხვა გულმხურვალე ბოლშევიკებს. ახლა ხომ დოკუმენტურად დამტკიცდა ის, რაც თავისთავად ცხადი იყო, რომ დღევანდელი კომუნისტები ორჯონიკიძეებისა და ორახელაშვილების ღვიძლი შვილები არიან, რომ მათი თარეში ქვეყანაში სახიფათოა.

პუმანურობას და შემწყობარებლობას არაფერი აქვს საერთო დაუსჯელობის სინდრომთან, განუკითხობასთან. გავისხნოთ ხევისბერი გოჩა... თუმცა რა შედარებაა, ონისე, რომელიც საკუთარი ღირსების აღსადგენად თავად ეძიებს სასჯელს, უბადლო ვაჟკაცად მოსჩანს ამ სულმბადალი, ზნედაცემული კაცუნების გვერდით, რომლებიც ახლა გამწარებით ეძიებენ ხერხებს, რათა საკუთარი ტყავი გადაიჩინონ.

დღეს ჩვენ იმის მოწმენიც ვართ, თუ როგორ „იცვალეს ფერი“ ყოფილმა პარტიულმა და კომკავშირულმა ფუნქციონერებმა და ამჟამად პედაგოგებად (რალა თქმა უნდა, არა საშუალო სკოლის ან ბაგა-ბაღის, რაც მათი ღირსებისთვის დამამცირებელია, არამედ — უმაღლესი სასწავლებლების), მეცნიერებად, სხვადასხვაგვარ „ინტელიგენტებად“ მოგვევლინენ და აგრერივად სახეცვლილი ახლა ახალგაზრდებს აზიარებენ ეროვნულ იდეალებს. ეროვნული ისტორიის, ლიტერატურის, ხელოვნების, საერთოდ ეროვნული სულიერების ამგვარი პროფანაცია, ვფიქრობთ, არა ნაკლებ საშიში და მიუღებელია, ვინემ „გეგმაზეს“ მხარდაჭერა. ეს არ არის აშკარა ბოროტმოქმედება და ამგვარი გარჯის ნაყოფიც არ იქნება უმაღლესი საცნაური. თუმცა ნაკლებ კრილობად არ დააჩნდება ეს.

ისიც ნუ გამოგვიჩვენებთ მხედველობიდან, რომ „კომუნისტების ზემოქმედება“ მხოლოდ ორ დღე ნახევარს გასტანა და ბოლომდე ვერ შეასრულა ლაკ-მუსის ფუნქცია, თორემ ერთხანობას კიდევ რომ გავრძელებულიყო რესტავრაციის პროცესი, გემიდან გაქცეული ვირთხების რიცხვი ცოტა მეტი იქნებოდა და მხოლოდ დღევანდელი სულმოკლე და ჭკუამოკლე კომუნისტები არ შეგვჩვენებდნენ ხელში მოღალატეებად, მათი ძველი მეგობრებიც გამონახავდნენ საერთო ენას ავანგარდისტ-მოღალატეებთან. ძველი ცოდვებისათვის არავის მოეთხოვება პასუხი, მაგრამ დღევანდელ დღეს მთელი სიმკაცრითა და პასუხისმგებლობით უნდა დაისვას საკითხი, რათა ერთხელ და სამუდამოდ აიკრძალოს საქართველოში კომუნისტური პარტიის ფუნქციონირება.

ყველა პიროვნება, რომელიც დაკავშირებულია საქართველოს კომპარტიის ცენტრალური კომიტეტის ბიუროს მოღვაწეობასთან, უნდა მიეცეს პასუხისმგებლობა, როგორც ერის მოღალატე და დაისჯოს კანონის მთელი სიმკაცრით.

ყველა პიროვნება, რომელსაც კიდევ ჯიბით დააქვს კომპარტიის მანდატი, უნდა ჩამოცილდეს ნებისმიერ პასუხსაგებ თანამდებობას (მეტა-



14 აპრილის (ახ. სტილით 28 აპრილის) არის ღვთისმშობლის ვიქინება

ტ რ ო ვ ა რ ი: შობასა ქალწულაბი დაიბარხა, და მიცვალაბას სოფალი არა დაუტევე, ღვთისმშობალი. მიხვად ცხოვრებად დადა ებე ცხოვრებასა, და ან მიოხვებითა შენითა იხსნი სიკვდილისაგან სულთა ჩვენთა.

დრე ქვეყნის სულიერი ცხოვრების ხვეროში, იქნება ეს უზენაესი საბჭოს თუ საკრებულოს წევრი, რედაქტორი თუ სკოლის დირექტორი.

არავის ვუდგებით მსაჯულად, მაგრამ ბოლოსდაბოლოს საქართველოშიც უნდა დადგეს ჟამი, როდესაც დაისჯება ბოროტება და იზეიმებს სიკეთე.

და კიდევ ერთი. სხვადასხვა ოპოზიციური პარტიების წარმომადგენლებმა, ცხადია, არ დააყოვნეს და სიმბოლურად დასდეს ბრალი საქართველოს ხელისუფლებას. მათ დღესაც არ ეყოფათ ვაჟკაცობა იმის აღიარებისთვის, რომ მომგებიან პოზიციაში დგომა არც თუ მომგებიან პოზიციად იქცევა, როდესაც მქადენდება პოლიტიკური ფარსი. ამით ოდნავადაც არ ვაყენებთ ჩრდილს იმ ათასობით რუსი და ბალტიისპირელი ადამიანის თავგანწირვას, რომლებიც გულწრფელი შეუპოვრობითა და თავდადებით იცავდნენ თავიანთ ქვეყანას, რომლებიც შიშველი ხელებით, მუშტმოდერებულნი ეკვეთნენ ტანებს, იმ რუს ქალებს, რომლებიც საოცარი უღრეკელობით, ხმის ჩახლენამდე ევედრებოდნენ სუკ-ის ოფიცერებს ტანებზე უკან მიებრუნებინათ. ქედს ვისრით იმ დაღუპულთა წინაშე, რომელთა მსხვერპლად შეწირვა უკვალოდ არ ჩაივლის, რადგან ურჩხულს, რომლის გადასარჩენად ესოდენ წარუმატებელი სპექტაკლი თამაშდება, ვერავითარი ძალა ვეღარ იხსნის.

რა სიამოვნებით იქოთქოთებდნენ იგივენი, მოვლენები სხვაგვარად რომ განვითარებულიყო და საქართველოს ამჯერადაც მსხვერპლი ენახ.

ეს ყველაფერი კარგი, მაგრამ პოლიტიკური მოღვაწე ხომ უნდა განსხვავდებოდეს დიასახლისისაგან, რომელიც სამზარეულოში ნახვს ქრის, თან რადიოთი ისმენს საბჭოეთში დატრიალებულ ამბებს და გულაჩუყებული იცრემლებს.

